



Aqqalu C. Jerimiassen

UPA 2024/161_1

UPA 2024/97 – 1

Atassut

23. april 2024

Nioqqutissanik eqqusuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisaannut siunnersuut
(Aningaasaqarnermut Akileraartarnermullu Naalakkersuisoq)

**Nioqqutissanik eqqusuinermi akitsuutit pillugit Inatsisartut inatsisaata allanngortinnis-
saanut,
taamaasilluni tipigissaatit, pinneraatit eqqiluisaarnermullu atortut eqqusinermut akitsuutaat
(Akitsuutit normuat 090) peerneqarluni, Naalakkersuisut siunnersuummik
saqqummiussaqaarnissaannik
piumaffigineqassasut Inatsisartut aalajangiiffigisassaattut siunnersuut.**

(Inatsisartunut Ilaasortaq Nivi Olsen, Demokraatit)

Akileraartarnikkut aaqqissusseqqinneq pillugu eqqartuinermi Aningaasaqarnermut Akileraartarnermullu Naalakkersuisup Atassut isumaqatigiinniarnemit anilluni nalunaaruteqarmat imatut raatiukkut oqarpoq: “Aningaasalersorneqarnissaa tikinneqarmat Atassut pissippoq, qimaavoq”.

Taakku oqaatigineqartut pillugit eqqunngitsumik issuarneqarsimanerput pillugu ilaana piomagutta tatiginninnginnermik taasisitsinissamik oqariartuuteqarsinnaagaluarput, aaqqissusseqqinnermimmi taaneqartumi inummut ilanngaatiq allanngortinnera aaqqissusseqqinnerunngitsoq nalileratsigu, aningaasalersorneqarnissaa pinnagu.

Taamaaliornianngilagulli, illuanilli Naalakkersuisoq qingalerparput angisuumik, kaammattorlugulu pisumi uani mianersornerulaartariaqartoq, eqqunngitsumillu taamannak Naalakkersuisutut avammut partiit nivinngartortariaqanngikkai, Naalakkersuisuunermi tassaassanngimmat partiilersuussaq, Naalakkersuisoq tamanut Naalakkersuisuummat.

Maannali akitsuusersuisarnikkut aaqqissuussiniarnermi uani saqqummiunneqartut isigissagaanni, qujanarpoq aaqqiissutissanik nassaarniarsarimmata. Neriunarsimagaluarpormi aamma taamatuttaaq akileeraarutit pillugit aaqqiissuteqarsinnaasimassagaluartut, taamaanngilarli.

Soorunami akitsuutit piarneqarnissaannut qujarullugu Atassummiit oqaatigisinnaareerparput, maluginianguarpulli ataaseq, Naalakkersuisooqatigiillu siunertaannut naleqqussorivallaanngisarput tassaavoq qummoroortartut aqqiivigineqarniarnerat. Tassami Parisimut isumaqatigiissummullu



ilanggunniarluta pujuliullamassuit qaarenerminnilu maangaannaq nakkartartut, sooq ilanggullugit akikilliniarneqarnersut niaqqukkut kumeqqaalaartariaqarsivugut.

Ajunngilaq taamaakkaluartoq, siunnersuutaasut ilaliinnarsinnaavagut Atassummiit, maannakkumullu nioqqutissat akikillarsarneqarnerannut siunertat nangittumik ingerlanneqarnissaat kaammattuu-tigeqqillugu.

Siunnersuut Aningaasaqarnermut Akileraartarnermullu ataatsimiitsitaliamut innersuupparput.

Suna tamarmi akitsoriartuinnavippoq, illuanillu akitsuuterpassuit saniatigut atuupput. Kaasarfiit imaqarnerulissammatagooq akileraartarnikkut aaqqissuusseqqinnermik taallugu atsioqatigiit-toqarpoq.

Ilami ukiorpanni nunatta karsiata naatsorsuutai kusassarniarlugit, neriorsuuterpassuillu piviusunngorteriaraluarniarlugit illuatigut aallertarnerit takornartaasimanngeqaat.

Nerisassaniit imigassanut, peqqinnartuniit nuannaarniutinut, inuunerissaarnermut atortuniit tupanut, ila tamarmik qassinimmita assigiinngitsorpassuarnik oqartoqartarneratuut; mikisuaqqanik ataani allassimasunik akitsuuteqarpassuarnik sorlernimmita peqarpat?

Kissaatit neriorsuutillu akeqarput, soorunamilu taakkua neriorsuutaasartorpassuit inuiaqatigiinnit nammineq akileraarutikkut akitsuutitigulluunniit akilerneqassapput.

Neriorsuuterpassuit pilluarnerulernissamik imallit tusarsaajuarpup, sunali tamarmi akitsoraluttuinnarpoq, qineqqusaarnermi kaasarfiit immerluarneqarnissaat nueraraaq, piviusumili allarluinnanngartarluni.

Naalackersuisut siulittaasuat ukioq nutaaq aallarnerlugu oqalugiaammuni oqariartorpoq, nunagooq tamakkerlugu akileraarutip appartinneqarnissaa siunertaasoq kissaataasorlu.

Oqaaseq tusarnej, ila oqaaseq neriulluarnaq. Paasivarpulli oqaaseq taanna neriulluarnerinnaavallaarujuussuarsimasoraasiit, taalluaannarlugu pisarnej malillugu.

Atassummiimmi eqqaamaqaarput, 2019-imi taamanikkut illuatungiliuttoqatigisagut peqatingalugit aningaasanut inatsit suliarineqarmat akitsuutaasussaannortut, taamatuttaarlu sulinerlut ilanngaata eqqunneqarnialermata nipikisaanngivilluta illuatungilersorippup.

Taava paasilinnguarmiarpup maanna aaqqiissuusseqqinnermik taasami, sulinermunngooq ilanngaata qaffaaffiginissaa siunniunneqarpoq, puittuunganeq qamanga puttuttaraaq taamaalilluni.

Eqqumiiginarnerusortaali suli uaniilerluni, aaqqissuusseqqinnermik taasami akileraarutip procentia nikigani ilanngaata kisimik passunneqarput.

Eqqarsarnarseqqiinnartarluni imannak: "ilikkatsiartatoruna".



Maanna tassa akitsuutit ilaasa peerneqarnissaat siunnersutigineqarpoq, qaami taava taamaasiorniarta sorpassuarnut, asuli nipittartorpassuarnik aqqissuussiunnaarluta.

Ilanngaatit qaffariarlugit pisiassat akitsuiffiginerinit aningaasalersonera qanoq paasisariaanersoq eqqarsarnarami.

Taava maanna neriuppugut Atassummiit, una akuerineqassappat arlaat illuani akitsuiffingalugu pineqassanngitsoq.

Akikillisaaniarnermi kaasarfiit imaqarnerulersinnaanerannik siunertalik illuani ajornerulersitsinissamik imaqartariaqanngimmat.

Taamatut Atassummiit oqaaseqarluta, siunnersuut Aningaasaqarnermut akileraartarnermullu ataatsimiitsitaliamut innersuupparput.